



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Inter Cain, & Abelem, inter Esau & Iacob quale discrimen?

urn:nbn:de:hbz:466:1-45701

non essent firma: quia stultus fundauit super arenam, qui prouidere debuisset, inde illi periculum imminere. Itaque non hinc à stulto sapiens, neque justus à peccatore discriminatur, quod vnuus tentetur, alter non tentetur; sed quod sapiens etiam magnis temptationibus non vincatur, inde fit, quia bene est in virtutibus fundatus: quod autem stultus superetur subinde etiam à leuibus temptationibus; idcirco contingit, quia debile posuit fundamentum, & cadere assuevit, neque diuinæ voluit gratia cooperari, more Deum amantium. Hoc est, quod Christus do-

Matth. 24. 40. cuit, quando dixit: *Duo erunt in agro: vnuus assumetur, & vnuus relinquetur: duæ molentes in mola; una assumetur, & una relinque-*

Luc. 17. 34. *tur; itemq; apud Lucam: Duo erunt in lecto uno: vnuus assume-*

Apud Iansen. tur, alter relinquetur. Quibus tribus hominum generibus Re-

ibid.

magius, tres hominum status intelligit, Matrimonij scilicet, Continentiz & Prælationis, qui etiam alibi per lob, Danielem, & Noë significantur. In his omnibus statibus temptationes sunt, quibus fortiter superatis, alij, in cælesti gloria, coronabuntur; alij victi in æternas flamas projicientur. Quid igitur causa est, vt ijsdem temptationibus pulsati alij superent, alij superentur? Non Deus, qui succurrit omnibus sufficienter, & omnes homines vult saluos fieri; sed ipsi homines, qui malis opera actionesq; suas superædificant fundamentis. Exemplis veritatem hanc illustremus.

II.

Gen. 4. 5.

Duo erant in agro, ijsdem progenitoribus nati, Cain & Abel; vnuus assumptus est, & alter relictus. Quia dispera fuere utriusque fundamenta. Cain erat ambitiosus, & non tam honorare Deum volebat, quam à Deo ipse honorari. Cupiebat enim, vt Deus ad sua munera respiceret, ijsque cælesti igne absumptis, ostenderet, sibi eius sacrificium gratum extitisse. Quod quia non Caino, sed Abeli fecit Devs, Cain inuidiæ conflagravit. Aliud fundamentum erat Abeli, illi enim erat animus & pura simplexque voluntas vni Deo placendi, eiique præstantissima quæque, quæ possidebat, sacrificandi. Cur non & Cain oues obtulit? cur non & ille agnos victimauit? Certè habuit, sed male dimisit, cum Conditori suo deteriora dedit, optimis sibi referuatis. Non fuerunt igitur in conspectu Dei accepta, tam

ingra-

ingratā & auarā manū immō & tam ambitioso animo porrecta.
Quis in culpa fuit? Nonnē ipse Cain, qui vtique idem, quod
Abel, facere potuisset? & sanè etiam debuisset. Alterum patr.
fratrum aspice Esau & Iacob; illum DEVS odio habuit, hunc di- Rom. 9. 13.
lexit; erant hi duo in vna mola molentes lentem, vnum assume-
batur, alter relinquebatur: quia diuersa vtrique mens, diuersum
erat fundamentum. Esau sibi in fundamentum posuit amorem
proprium, & sensum carnis. Nam, vt gulæ suæ indulgeret, ven-
dedit jus primogeniturae. Iacob electus fuit, quia domum posuit Gen. 25. 30.
supra petram, fiducia enim in Deum innixus, ad diuinam opem,
in omni sua tribulatione, per orationem, confugiebat. Nonnē
idem facere poterat Esau? Sed præualuit in eo voluptas; quia
alia illi fuit voluntas: sensum quærebat, Deum perdebat: Iacob
autem cibum perdidit, Deum inuenit, nec pluris fecit lentem
quam benedictionem. Imagines erant hi duo fratres piorum
& impiorum. Quantillam voluptatulam accipiunt impij, &
vendunt cælum! Deum ipsum Iudas vendidit triginta argenteis.
At, qui diuina sapiunt, nec totum quidem Mundum acciperent,
vt Deum vel leuissimè offendenter, immō, ne offendant, totum
mundum relinquunt.

Considera & alios fratres. Cham, nudatum in patrem cùm III.
incidisset, quod tegere debuisset, nuntianit duobus fratribus suis Gen. 9. 22.
foras. At verò Sem & Iapheth pallium imposuerunt humeris suis, &
incidentes retrorsum, operuerunt verenda patrii sui, faciesq; eorum
auersa erant, & patrii virilia non viderunt. Nonnē idem facere
vel hi, quod Cham; vel Cham, quod hi, potuissent? Sed in illo
erat maligna voluntas, in his amor honestatis. Meritò igitur
enigilans Noë ex vino, cùm didicisset, qua fecerat ei filius suis minor,
ait: Maledictus Chanaan, seruus seruorum erit fratribus suis. Di-
xitq;: Benedictus Dominus Deus Sem, fit Chanaan seruus eius. Di-
latet Deus Iapheth, & habitet in tabernaculis Sem, fitq; Chanaan
seruus eius. Ad eundem modum Deus maledicit maledictio-
nem merentibus, & benedictione dignis benedicit. Penes quem
fuit, vt Cham maledictionem mereretur? nonnē penes ipsum,
quem ad impudentissimum aspectum, non vtique Dei, sed sua
petulans impietas adegit?